

समे – 12:25

<><><><><><>

Saudi Prince

साउदी अरब दे क्राउन प्रिंस मोहम्मद बिन सलमान होरें पाकिस्तान दे प्रधानमंत्री शहबाज शरीफ जेहड़े साउदी अरब दे दौरे पर न हुंदे कन्नै भारत दे कश्मीर मसले उपपर लेइयै रूक्ख पर गल्लबात कीती ऐ। उनें भारत ते पाकिस्तान बश्कार चला'रदे कश्मीर मसलें दे समेत बाकी खास मुद्दें पर बी संवाद कीता। पाकिस्तान दे प्रधानमंत्री जेहड़े इसलै साउदी दे कन्नै होई दी बैठक च क्राउन प्रिंस मोहम्मद बिन सलमान होरें गलाया जे भारत ते पाकिस्तान बश्कार चला'रदे कश्मीर मसले समेत बाकी मुद्दें उपपर दपक्खी गल्लबात करना बड़ा गै जरूरी ऐ तां जे इनें मसलें दा हल्ल निकली सकै। नमीं दिल्ली इस्सै गल्ल उपपर बरकरार ऐ जे भारत ते पाकिस्तान बश्कार जेहड़े बी मसले, ओह दपक्खी न ते इंदे च त्रीये मुख्खे दी दखलअंदाजी दी कोई लोड़ नेई ऐ। भारत ते पाकिस्तान बश्कार सरबंध पाकिस्तान आधारित आतंकवाद ते जम्मू कश्मीर उपपर रूक्ख दी वजह कन्नै खराब होए दे न। प्रधानमंत्री मोदी हुंदा एह आक्खना ऐ जे गल्लबात ते आतंकवाद कन्नै-कन्नै नेई चली सकदी।

<><><><><><>

PM Rally-Udhampur

प्रधानमंत्री नरेन्द्र मोदी हुंदी उधमपुर च रैली होने दी तैआरियां जोरें-शोरें कन्नै चला'रदियां न। एहदे लेई बलिया पंचायत, जित्थें रैली दा होना तैह ऐ उत्थें सुरक्षा दे इंतजाम बी कीते जा'रदे न। प्रधानमंत्री हुंदा संबोधन 12 अप्रैल 2024 गी तैह होए दा ऐ। उधमपुर जिले दे बीजेपी अध्यक्ष अरुण गुप्ता होरें गलाया ऐ जे इस रैली च तकरीबन दो लक्ख लोकें दे औने दी मेद कीती जा'रदी ऐ ते एहदे लेई तैआरियां बी चला'रदियां न। गुप्ता होरें इब्बी गलाया जे इस रैली च औने आले लोकें आस्तै रूट्टी-पानी ते चिकितिक सुविधाएं दा बी इंतजाम चला'रदा ऐ तां जे कुसै गी कुसै बी किस्म दी परेशानी दा सामना नेइं करना पवै।

<><><><><><>

Dr. Jatinder Singh

कांग्रेस पार्टी उप्पर त्रिक्खा हमला करदे होई केन्द्री मंत्री ते बीजेपी उधमपुर हल्के दे मेदवार डॉ. जितेन्द्र सिंह होरें गलाया जे कांग्रेस पार्टी गी धारा 370 उप्पर रूक्ख साफ करना लोड़चदा। कल उधमपुर च चुनां अभियान दे दरान लोक बैठकें गी संबोधत करदे होई डॉ. सिंह होरें कांग्रेस दे मेदवार ते बाकी लीडरें पर एह दावा दित्ता जे ओह दफा 370 गी पूरी चाल्ली ब्हाल करोग जेकर ओ परतियै सत्ता च आए। उनें इब्बी आकखेआ जे कांग्रेस पार्टी दे नेता चुनां अभियान दे दरान उनें मुद्दें पर गल्ल करना जां सुआलें दे परता देने कोला बचा दे न, जेह्दे जवाबदेही न। उनें इब्बी गलाया जे ओह प्रधानमंत्री नरेन्द्र मोदी हुंदे गे ऐन जिनें पिछले बरें च लगातार सत्ता उप्पर औने आली कांग्रेस सरकार दी गलतिएं गी सुधारेआ। उनें गलाया जे कांग्रेस सरकार गी इस गल्ल उप्पर अपना रूक्ख साफ रखना चाहिदा जे ओह अगर सत्ता च औंदे न पच्छमी पाकिस्तान रिफ्यूजिएं गी नागरिकता अधिकार देना चाह्दे न जां उंदे कोला एह अधिकार खोना चाह्दे न। डॉ. सिंह हुंदा आक्खना ऐ जे कांग्रेस दे नेता मसूम लोकें गी मूर्ख बनाने च लग्गे दे न की जे उंदी कोई वैचारिक रूक्ख नेई ऐ।

<><><><><><>

India-China GDP

यूरोपियन संसद दे प्रबुद्ध मंडल माहर एगेलोज डैलीवोरिस होरें गलाया ऐ जे भारत दी जीडीपी बढ़ोतरी चीन कोला मती बधा'रदी ऐ ते एह इआं गै बधदी रौहग। एंगलोज होर यूरोपियन पार्लिमेंट रिसर्च च बाहरी नीतियां जिंदे च भारत बी शामिल ऐ उंदे माहर न ते ओह यूरोपियन संसद दे सदस्यें गी वयापक अनुसंधान च समर्थन दिंदे न। उनें भारतीय दी खीरी जीडीपी बढ़ोतरी उप्पर लेई पाई ऐ इक कथन च. आक्खेआ जे एह चीन कोला बी मती बधा'रदी ऐ। जीडीपी दी बढ़ोतरी इब्बी तेजी कन्नै बधना इस गल्ल गी दशग्रंदा ऐ जे भारत आर्थिक महाशक्ति दे रूपै च उभरा'रदा ऐ। 2023 च भारत दी जीडीपी बढ़ोतरी तकरीबन 7.5 फीसद रेही, तोआई ची नदी जीडीपी बढ़ोतरी 5.2 फीसद रेई। भारत दी जीडीपी बढ़ोतरी 2026 तककर 7 फीस होने दी मेद कीती जा'रदी ऐ। तोआई ची नदी जीडीपी बढ़ोतरी दी 4.6 होने दी मेद ऐ। गल्ल आईएमएफ दे अंदाजे दी कीती जा ते 2024 च ची नदी जीडीपी बढ़ोतरी 4.6 फीसद रौहग जेह्डी 2028 च घटियै 3.5 फीसद होई जाग।

<><><><><><>

PM- New Year Navratri

प्रधानमंत्री नरेन्द्र मोदी होरें नव समवतसर दे मौके पर लोकें गी ममारकबाद दित्ती। इक सोशल मीडिया पोस्ट दे राएं उनें लिखेआ जे ओह् इस नमें ब'रे दे मौके पर सब्बनें दी खुशहाली ते तंदरूस्ती आस्तै मत्था टेक दे न। उनें गुढी पडवा, चेती चांद, नवरेह उगाड़ी, साजीवु छेराओग दे मौके उप्पर बी बधाई दित्ती। नराते दी शुभकामनां दिंदे होई मोदी होरें एह मेद करदे न जे ओ शक्ति सब्बनें दी जिंदगी खुशहाली ते तंदरूस्ती कन्नै भरै।

<><><><><><>

Narata Festival

जम्मू कश्मीर च अज्ज कश्मीरी पंडतें आस्सेआ नवरेह मनाया जा'रदा ऐ। नवरेह कश्मीरी नमें ब'रे दा पैहला ध्याड़ा ऐ जिसी कश्मीरी पंडत मनांदे न। एह लोक इस ध्याड़े गी माता शारिका गी समर्पित करदे न ते उनेंगी इस ध्यार श्रद्धांजलि बी दिंदे न। अज्ज बडलै सवेला थमां लेइयै गै माता दे भक्त हरी पर्वत उप्पर स्थित शारिका देवी मंदर, नीनगढ़ दे दुर्गा नापग मंदर च माता रागयानी देवी दा मंदर जेहड़ा तुतमुला गांदरबल च स्थित ऐ ते जिसी माता क्षीरभवानी बी आक्खदे न चैत्र नराते दे पैहले ध्याड़े मत्था टेकदे न। चैत्र नराते गी गै कश्मीर च नवरेह आक्खेआ जंदा ऐ। तोआई जम्मू च बी कश्मीरी पंडत मत्था टेकने आस्तै बक्ख-बक्ख मंदरें च जंदे न।

<><><><><><>

Training Ramban

चुनां मैह्कमे आस्सेआ रामबन दे एसी-54 रामबन ते एसी-55 बनिहाल दे चुनां अगले लेइ सिखलाई सत्र दा सरिस्ता कीता गेआ। इस प्रोग्राम दा मकसद औंदे लोकसभा चुनां दी तैआरिएं दा जायजा लैता ते चुनाएं गी आजाद, पारदर्शी, निरपक्ख ते सुचारू ढंगै सिर करोआना ते जकीनी बनाना ऐं इस सिखलाई सत्र च कुल 982 अफसरें ते अधिकारिएं हिस्सा लैता। इस दरान माहिर आस्सेआ ईवीएम मशीनें गी पूरी चाल्ली सीलबंद करने, उनें गी लाने ते उंदे कम्म काज बारे दस्सेआ गेआ। सिखलाई सत्र च हिस्सा लै'रदे अफसर च पोस्टल बैलेट राएं वोट पाने लेई फोरम बी बंडे गे।

<><><><><><>